



**Broj: 01-18/18.**  
**Vareš, 31.01. 2018. godine**

Na osnovu člana 19. i 22. Statuta Općine Vareš – Prečišćeni tekst, broj: 01 - 162/12 od 11.09.2012. godine i člana 10. Poslovnika o radu Općinskog vijeća Vareš – Prečišćeni tekst, broj: 01 - 109/09. od 29.04.2009.godine i broj: 01 - 16/12. od 30.11.2012. godine, Općinsko vijeće Vareš na 14. sjednici održanoj 31.01. 2018. godine, donosi

## **O D L U K U**

### **o naknadama vijećnika i članova radnih tijela Općinskog vijeća Vareš**

#### **I. UVODNE ODREDBE**

##### **Član 1.**

Ovom Odlukom utvrđuje se naknada vijećnika i članova radnih tijela Općinskog vijeća Vareš (u daljem tekstu: Vijeće)

#### **II. NAKNADE VIJEĆNICIMA I ČLANOVIMA RADNIH TIJELA VIJEĆA**

##### **Član 2.**

Vijećnici u Vijeću imaju novčanu naknadu za svaku održanu redovnu, vanrednu i tematsku sjednicu Vijeća i to:

1. Predsjedavajući/a – naknada u iznosu od 420,00 KM
2. Zamjenik predsjedavajućeg/e, vijećnik/ca – predsjednik Kluba vijećnika u Vijeću – naknade u iznosu od 260,00 KM
3. Samostalni vijećnici političkih stranaka u Vijeću koji nisu u klubu, za prisustvovanje sjednicama Kolegija Vijeća – naknade u iznosu od 260,00 KM ( za neprisustvovanje sjednicama Kolegija bez obzira na razloge naknada se umanjuje i iznosi 240,00 KM )
4. Vijećnik/ca – naknada u iznosu od 240,00 KM

Naknada utvrđena u prethodnom stavu odnosi se na prisustvo i sudjelovanje u radu Vijeća i Kolegija Vijeća.

##### **Član 3.**

Novčane naknade za rad u stalnim, povremenim, privremenim radnim tijelima i stručnim komisijama Vijeća po održanoj sjednici iznose:

1. Predsjednik/ca u iznosu od 40,00 KM
2. Članovi radnih tijela u iznosu od 30,00 KM

Naknadu iz stava 1.ovog člana nemaju vijećnici ako učestvuju u radu radnog tijela Vijeća u danu kada se održava i sjednica Vijeća.

Povremena, privremena radna tijela ili stručne komisije koje imenuje Vijeće mogu imati i veću naknadu od naknade utvrđene u stavu 1. ovog člana , ukoliko drugačije odluči Vijeće aktom o osnivanju tj. imenovanju tog radnog tijela.

#### Član 4.

Vijećniku se umanjuje naknada iz člana 2. ove odluke za 30 % za svako odsustvovanje sa sjednice Vijeća, duže od polovine ukupnog vremena trajanja sjednice Vijeća, koje je zapisnikom sjednice Vijeća utvrđeno.

O umanjenju naknade iz stava 1. ovog člana odlučuje Kolegij Vijeća na osnovu evidencije dostavljene od strane sekretara Općinskog vijeća.

#### Član 5.

Specifikaciju naknada utvrđenih na temelju ove odluke, obrađuje Stručna služba Općinskog vijeća, a istu odobrava – potpisuje sekretar Općinskog vijeća.

#### Član 6.

Predsjedavajući Vijeća ima pravo na troškove mobilne kartice u iznosu od 30,00 KM mjesečno.

### III. PRELAZNE I ZAVRŠNE ODREDBE

#### Član 7.

Stupanjem na snagu ove odluke prestaje važiti Odluka o naknadama vijećnika i članova radnih tijela Općinskog vijeća Vareš, Prečišćeni tekst, broj : 01 – 17/11 od 18.01.2011. godine, Odluka o izmjenama i dopunama Odluke o naknadama vijećnika i članova radnih tijela Općinskog vijeća Vareš, broj: 01 – 98/13 od 27.03.2013. godine.

#### Član 8.

Ova odluka stupa na snagu osmog dana od dana objavljivanja na oglasnoj tabli Općine Vareš , a primjenjivat će se od 01.02.2018.godine.

**PREDSJEDAVAJUĆI  
OPĆINSKOG VIJEĆA**

Kenan Kamenjaš

Odluka objavljena na oglasnoj tabli Općine Vareš dana 01.02. 2018. godine.

**OPĆINSKI NAČELNIK**

**Zdravko Marošević**

## **O b r a z l o ž n j e**

Pravni osnov za donošenje ove Odluke sadržan je u članu 22., a u vezi sa članom 19. Statuta općine Vareš i u članu 10. Poslovnika o radu Općinskog vijeća Vareš.

Razlozi za donošenje ove Odluke su da se kroz donošenje nove Odluke obuhvate sve dosadašnje izmjene i dopune i da se preciznije utvrde naknade i ostvarivanje istih.

S obzirom na povećanje osnovice za obračun plaća zaposlenicima od oko 20 % u budžetu , a imajući u vidu da nekoliko godina unazad nije došlo do povećanja naknade za vijećnike, i ako su one sada najmanje u Ze-do kantonu, predlažem Vijeću da ovu Odluku usvoji u predloženom tekstu.

Za provođenje ove Odluke potrebna su finansijska sredstva i ista su planirana u budžetu Općine za 2018. godinu.

**OVLAŠTENI PREDLAGAČ  
OPĆINSKI NAČELNIK**

**Zdravko Marošević**